

解州芮城縣志



芮城縣續志序

芮古魏地也俗敦儉樸猶有唐虞之遺風其在春秋為晉大夫畢萬之食邑考之萬為萬氏所從出余幸莅其地敢不思所以迪前光而為民利者乎下車後即求治芮之道竊以謂證古今考得失莫切於志志往事以為後事師治法於是乎在乃亟取舊志

觀之知自乾隆二十八年重修後咸豐間丁君雙橋續纂八十餘頁語焉不詳今又歷二十年其間丁賦羸絀文物盛衰又多闕矣使終任其缺畧求治者何考焉余方有志補輯適官保中丞舉修通志檄郡邑各修志乘余欣然奉命竊幸夙願克償乃與秦中張次雲先生同為編次凡五閱



月而告成上起乾隆二十九年期與  
舊志相接續徵文考獻博採旁搜於  
舊志所畧者補之未確者更正之至  
於宦績人物列女為忠孝為貞烈核  
實畧疑必輿論悉協然後增入固不  
敢嚴而刻亦不敢寬而濫所望都人  
士激勵觀摩欽往哲為儀型緬休風  
於節儉立身千古而上勉為三代之

英他日下邑采風輶軒莅止俾南疆  
下吏播俗美化行之譽無貽先世羞  
斯鄙人之幸此邦之幸也而今日纂  
輯之勞為不虛矣光緒六年歲次庚  
辰季秋上澣知芮城縣事萬啟鈞平  
軒氏謹序





芮城縣續志序

光緒己卯冬 伯中丞魯公以大祲  
之後亟變滄桑檄郡邑各修續志以  
存文獻甚盛舉也明年秋八月熊受  
芮城聘補輯邑乘萬使君平軒惻然  
告熊曰不才承乏下邑七載於茲矣  
曩稽戶籍不下十萬丁有奇自遭旱  
魃之虐老弱者死少壯北逃梟惡者

相殘食一二年間吾民存者不逮什  
三孰非赤子顧生視莫之救也今將  
登諸記載余滋懼焉芮雖蕞爾邑肯  
中條面大河山水盤鬱代產名賢其  
小人勿穡服勤素稱殷富乃者編氓  
日困矣田賦日虧矣村壘半為邱墟  
學校幾於廢墜茲粟貴則禮義輕位  
誦衰則文獻亦僅緬維古昔極盛莫



闢荒萊民不耕為市牛種士不墾為  
捐俸延三師苟有河灘地無麥而納  
賦民苦追呼久矣則請永蠲之有義  
社倉貸者不能償民之逋逃眾矣則  
請寬免之吾民何修所以沐

皇仁為獨早被膏澤為尤深也非吾父母  
不及此由是觀王子大夫之為菑民  
可謂至矣至於阨運難回則天也抑

又有說焉考舊志修於乾隆癸未歲  
迄今百有年間不易民而治不易俗  
而教然量短絜長猶有山川依舊文  
物更新者何獨古今不相及耶吾聞  
得失者政治之機也盛衰者運會之  
際也有興有替比人事之變遷也無  
往不復比天心之悔禍也使宰苟也  
皆以子大夫之心為心將見十年生



追此皆鄙人不德使吾邑凋敝至是  
千載下其有按籍訾余者乎先生何  
以教我然對曰仁人哉子大夫之言  
也夫春秋紀災不記祥庶幾有位者  
知所修省去之父母斯民者動輒委  
之天災不問責之人事甚且粉飾以  
欺後世則其志之不足傳信可知也  
子大夫與言及是殆有維世殷憂耶

志其小焉者矣芮士友嘗為然言方  
戎寅災之初成也 欽使閻公 撫  
院曾公連章入

告請帑銀撥漕米籌借賑需迫切如救水  
火有司未喻德意類多瞻顧徬徨我  
侯首放倉糧罷催科剋期開賑惟恐  
失時用獲廣布憲恩拯災黎於垂斃  
猶慮遺子者不能自謀也田不治為



聚則富庶可臻十年教訓則人文蔚  
起釋回增美上復晉魏儉嗇之遺風  
仰追商周仁讓之盛軌安見世運不  
可復古人定不可勝天而子去去今  
日憂時之言固嚆矢也然不敏志惟  
秉筆直書焉已矣庸何傷使君憮然  
思莞然笑欣然首肯也屬吾一二登  
之志於是上起乾隆下逮今茲考實

存真無事徇隱尤於災禍之際三致  
意焉書既成遂敘其事之緣起有如此  
光緒六年重陽後三日漢南張承熊  
次雲氏謹識



芮城縣續志目錄

卷首

修志銜名

例言十則

卷一

星野

城池

壇廟

學校

田賦

芮城縣續志

卷首 目錄

五

戶口

倉儲

卷二

職官

宦績

選舉

人物上

人物下

卷三

列女



古蹟

祥異

卷四

藝文上

藝文下

芮城縣續志

卷首

目錄

六



續修邑志銜名

總修

護衛銜在任候補知府遼州直隸州知州署解州直隸州事 馬丕瑤 河南安陽縣人

纂輯

同知銜調補夏縣署芮城縣知縣 萬啟鈞 直隸遷安縣人

山西 候補同知 張承熊 陝西平利縣人

同修

芮城縣教諭 董 焱 山西猗氏縣人

芮城縣訓導 石向陽 山西平定州人

分修

芮城縣續志

卷首 銜名

七

揀選知縣 甲辰科舉人 張定基 邑人

同知銜候選直隸州州判 恩貢生 王振鐸

廩生 王均

歸部選用儒學訓導 廩生 李生華

校錄

附 生 董積瑄

附 生 薛希仲

督刊

六品頂戴 芮城縣典史 朱 埏 浙江山陰縣人

採訪



增

貢

生郭獻珍

邑人

儘先選用州吏目增 生楊萬青

廩

生張拱

附

生張聯鼎

廩

生王佐

奎

文閣典籍 薛莊

廩

生王之櫪

附

生張煥離

六品頂戴按司照磨 劉蔭榕



例言 十則

一縣志創修於前明嘉靖之季隆萬間再修之 國朝康熙十有一年又重修之惜板片無存乾隆二十八年州牧言如泗通修解志各縣統於解州命曰全志芮城則邑令莫溥分任之咸豐間邑令丁樹勳續輯數十頁附各門後其時未經採訪故語焉不詳茲編上接言志起乾隆二十九年篇中凡稱舊志卽指乾隆志而言丁君所續概爲另纂不敢因陋就簡也

一續修與重修異重修可以自創體例爲一家言續

芮城縣續志

卷首 例言

九

修義取接續前志不得稍有歧異故體例一仍乎舊計舊志分二十二門如沿革疆域山川風俗之類今昔無殊無庸續輯如學校田賦戶口倉儲間有因革增損宦蹟人物列女藝文不無繼美前人至祥異關乎天人之應可爲修省之資如近世奇災前代罕見

朝廷厚澤曠古無倫尤宜詳述以惕末俗而誌

天恩故皆按類續纂書不厭詳此外加星野一門以補前志之缺

一賦役關係 國計民生最宜詳審正雜各款已詳



前志茲復挈明總數補入耗羨及現在運留數目以備考核末載荒地頃數停徵年限庶有司獲知荒後情形隨時留意焉又晉民苦差徭久矣舊制田賦外另有丁徭係按丁起賦卽古租庸調之遺法厥後歸丁於地已無丁徭欸目乃因驛路官吏往還有司苦於供應遂派民間攤出車馬草料錢文是謂差徭始不過量數支供日久弊生率藉端剝民中飽按畝苛斂往往過於正供農人終歲勤劬不足交官樂歲猶苦不支一遇荒災死亡載道近蒙 欽使閻公 伯中丞曾公剔除弊端 奏

請痛加裁減酌量地方繁簡明定章程較昔十減五六編氓共慶更生前纂夏縣平陸諸志皆於賦役門另列差徭一條歷叙始末俾守土者知差徭本非 功令省之又省庶無負二公救民之苦心茲查芮邑不通驛站向無差徭故不另列此條附記於此爲芮民幸正願後之宰芮者其勿作偏焉可

一宦蹟不紀現任人物不紀現存凡叙事無論官紳概行書名雖顯秩不稱某公志例如是亦所以杜貢諛之漸



一職官宦蹟選舉人物列女凡在咸豐以前者曾經  
丁君樹勳纂記茲於丁志詞意不順者間爲竄易  
而事蹟率仍其舊咸豐後則由此次採訪公是公  
非悉憑輿論不敢稍參臆見致貽表揚失實之譏  
一人物收取稍寬蓋取善善從長之義鼓勵後賢至  
節烈概由地方舉報凡前此有案可查及現今採  
訪得實者靡不登載發潛闡幽甯濫無遺惟恐埋  
沒真操致干鬼神怒譴也

一祥異於光緒丁丑戊寅大祲皆係耳聞目見故書  
之特詳至嘉道間容有闕漏事遠年淹末由考核  
間以傳聞登載一二亦所謂疑以傳疑識者諒之  
一藝文義取有關地方者否則不應收入茲因篇帙  
無多故採錄稍濫後之君子必有從而刪訂者

一此次修志奉文祇令續輯藉省剗之資故僅依  
類補纂未敢妄事更張考康熙間邑令畢盛讚重  
修一部體例簡嚴論述精覈實較言志擅長後有  
作者重爲編輯繼康熙志而踵成之可期盡善盡  
美爲必傳之作矣

一是編搜採事實深賴都人士分類草創聞見旣確  
賢尹萬君編纂成帙旁稽博考煞費苦心以熊之



固陋謬參末議發凡起例必先質之萬君然後補其缺漏刪其繁蕪以期愜心貴當惟脫稿未及彌月率爾操觚乖謬在所不免所望踵事者重加釐正俾後人不以斯罪我也則幸甚

漢南張承熊謹識



